

حقوقی بیکیں۔ مجلہ مجموعہ سی

ہر آہک اون ہشندہ نشر اولنور

« حقوقه لری موجود ایسه ده هر بری آری بر معنای افاده ایلدیکی و شکلا
« ووصفاً دخی یکر یکرندن منفرد و منزوی بولندیکی پک بدیهید رظن ایدرم .. چونکه
« بر مدعینک دائن صفتیه ادعا ایده چکی مدعا به و مدیونک مالی بالجز استیفاسنه
« چالیشه جنی بر حق آنجق مطلوبی اولان آلاجنه منحصر اولوب وجیه دنیان بر سبب
« دین ذمته ثبت ایدلش اولان عین دینی ایما ایده میه چکی آشکاردر .. آنجق دین
« مذکور ذمه ایصال ایلان بر راه قانونی تمهید ایدن بر وسیله مشروعیه منحصر
« اوله رق وجیه نامی وضع ایدلش اولسه کر کدر. باخصوص معنای لغویسی دخی
« بو فکر عاجزانه می ده تأیید ایدیور اقدم . »

عالم « پلانیول » ، اقتباس ایتدیکم فقره ده « obligation » کله سنک بعضاً دائنک
تعهدینه شامل بر معنا افاده ایتدیکنی کو ستر مک ایسته مشدر ؛ بو حاله « obligation »
بعضاً هم دائن هم مدیون موقعنده بولونان کیمسه لک رابطه حقوقیه سنی کو ستر
بورج کله سنک بواکی وجهلی معنای افاده ایدوب ایتدیکی جای تدقیقدر .

مبدا سی غار فرانفر

مصطفی رشید پک

اصول حقوقیه

بکی

حقوق اصول محاکمه لری قانونی

[بکن نسخه مردن مایند]

دردنجی فصل

تقیقات

— اصول محاکمه نک تحقیقاته متعلق احکامی تماماً یکیدر . بو اصول دیگر اجنبی
ملک تارک کافه سندده قبول ایدلما مشدر . قبولنده کی باشلیجه فائده شودر :
دعوا اولجه تحقیق ایدیلیرسه محاکمه ایچون معین جلسه ده ، دعوانک انبائی ، توضیحی
ایچون چوق وقت غائب ایدلر . عمومیتله دعوانک وضوح ستر لنی از جمله مدعینک و یا مدعی
علیهک بعض نقطه لر حقنده کافی ایضاحات ویرماش اولماسی تعلیق ایجاب ایتدیریور .

لیسته به کچرلمش دعواردن هانکیسک واضح اولدینی وهانکیلرینک توضیح ایدلک اوزره تعلیق لازم اولدینی قبل التدقیق آکلاشبله مه جغندن؛ کافه سی رؤیت ایدیه جگمش کی معین بر کونکی محاکمه لیسته سنه اعظمی اوتوز ویا قرق دعوا قید ایدلکده در. بو سببله ایشلری چوچه اولان محکمه لرده، اک اهمیتسز بر سبب ایله مثلاً بر سدنک کتیرنسی، بعض اوراقک یکیدن یازلمسی کی ابرتسی کونی یاپیلایبله جگ ایشلر ایچون بیله دعوا، بر، ایکی آی صکره به تعلیق ایدیه رک اوزامقده در.

دیگر طرفدن بالخاصه بر جوق شاهدلرک استماعی لازم کلن احوالده، دلائلک تدقیق وقت آلمقده در. تحقیقات اصولی ایله بو محذورلر اورته دن قالدقمش اولاجقدر.

اولا محکمه هیئتدن اوچی ده آیری آیری تحقیقات یاپاجقدر در. و تحقیقات حاکی طرفینی اتفاق ایتدیردکن و یا خود دلائلی عامماً تدقیق ایتدکن صوکر دعوائی تنور ایتش بر حالده محکمه به سوق ایدر.

محکمه تحقیقاتی نقصان بولمازسه بر کونده دعوائی رؤیت ایدر. بالعکس طرفین تحقیقاتک نقصانه اعتراض واولجه اداره واستعمالندن عاجز قالدقلری یکی دلیملری، هیئت حا که حضورنده در میان ایدیه رک یکی بر تحقیقات اجراسنی طلب ایده بیلر لر.

شو حالده مسئله مهم اولدینی تقدیرده یکدیگری متعاقباً ایکی دفعه تحقیقات یاپیلما سی ممکندر. بو کیفیتک دعوائک حلنی تأخیره اوغرا ده جنی حقه ده کی اعتراضلر وارددر. فقط مهم ایشلرده طرفینک انواع تزویراتی نتیجه سنه حقیقت ابتداء کیزی قالیر. دائماً تظاهر ایده مز. استیناف اصولی اولان یرلرده استینافاً یکیدن تدقیقات یاپیلهرق ابتدا یاپیلمش اولان خطا تصحیح اولونا بیلیرسه ده بواصولک جاری اولمادینی قانونمزه حقیقتک غلبه سی ده امکان قیلدی ایچون بو محذوره قاتلانمق ضروریدر.

بشنجی فصل

حاده

— حادنه، دعوائک تحقیق ورؤیتی اثناسنده اساس دعوائک حلندن اول و بوکا مربوط اولهرق حا کدن حلنی طلب ایدیلن مسئله لر در. از جمله اعتراضات ابتدائی بر حادنه در. کذلک طرفیندن برینک وثائق ابرازینی، دیگر طرفک استجوابی،

دعوانك اخبارى ايجون مهنت ویرلسنی ، ویرلس اولان مهلك تزیید و تنقیصنی ، اوچونجی شخص طرفیندن سبق ایدن دخول محاکمه طلبیری کی .

— قانوناً تحقیقات حاکمک قرار ویرمه صلاحیتدار اولدیغی حادثه لر حقنده قرار آلق ایستیان طرف بر عر ضحال ایله مراجعت ایدر .

حاکم ، بو عر ضحالی بالتدقیق شایان قبول کورورسه دیگر طرفه تبلیغ ایدر . بالعکس کورمزه تبلیغه حاجت اولماق سزین رد ایدر .

حاکم ، ایجابنه کوره طرفنی استماع ودلائلی ده تدقیق ایدرک بر جلسه ده حادثه بی حل ایدر . دیگر طرف ، کلیوب فقط جواب کوندرورسه بو جوابی ؛ جواب ده کوندرمدیکی تقدیرده بالکس مستدعینک عر ضحالی تدقیق وموجبجه حکم ایدر .

— بو فصلده بالخاصه اشارت ایتک ایسترز که تحقیقات حاکمی ، طرفینک اقامه ایتک ایستدکری دلیلیری قبول ایدوب ایتامکده صلاحیت تقدیریه بی حازدر . تحقیقات حاکمی بالخاصه دعوانی اوزاتمامق ايجون فائده سز کوردیکی دلیلیری استماع ایتمکن امتناع ایدر بیلیر . آنجی نه سبله دلیلی استماع ایتدیکنی قرارنده بیلدیرمک لازمدر . مع مافیه طرفین ، محکمه ده بو دلیلرک استماعنده کی فائده ولزومی درمیان ایدرک بو جهتده کی تحقیقات نقصاتی اکال ایتدیر بیلیرلر . نهایت محکمه تمیز ، اسباب موجه بی وارد کورمز ویا غیر کافی عدایده رسه اوده بو نقطه دن حکمی نقض ایدر بیلیر ، بو صورتله طرفینک متقابلاً دعوانی اثبات ايجون اقامه ایتک ایستدکری فقط یهوده اولدیغی وهله اولاده آکلاشیلان چوق مقدارده شاهد ، اهل خبره ، کشف ، سندک تطبیق امضاسی کی دلیلرک تدقیق ایله دعوانک اوزامامسی ، مصرفه بوغولامسی تأمین ایدیلیر .

— بعضاً طرفینک سرد ایتدکری ادعا ومدافعهلرک بعض قسملرینک تفریقنده فائده بولونور . برینک حلی نتیجه سنده دیگرینک حله لزوم قالماز . بو حالرده حاکم بو مسئله لری تفریق ایدرک برینک دیگرندن صوکرما محاکمه وحکم ایدلسنه قرار ویر بیلیر .

آلتنجی فصل

محاسبیه محتاج دعوالرده امضاری معاودلر

— حاکمک ، رؤیتنه مأمور اولدقلری دعوالری بالذات تحقیق ایتلری اصلدر . فقط ،

حساب کورولمکه، قلم قلم تدقیقه محتاج دعوالرده، حاکم یانه برمتخصص آله بیلیر. حاکم بومتخصص حضوریله، طرفینک مرقلم حقنده کی ایضاحاتی تدقیق واختلافی اولانی تعیین ایدر. بونک اوزرینه علی الاصول اختلافی اولان نقطه لر اوزرنده تحقیقات و محاکمه جریان ایدر. حاکمک رفاقتنه آلدینی متخصص، دیگر اهل خبره کی رد اولونابیلیر. اگر نقلی مشکل اولان دفتر و وثیقه لرك تدقیق لازم ایسه حاکم بونلری محلنده تدقیق ایدر. دها دوغروسى احضاری تحقیقات جلسه سنی اوراده عقد ایدر.

یدنجی فصل

تحقیقات ها کنک ابی طرفی استجوابی

— تحقیقات حاکمی، دعوانک تنوری ضمنتده، وکیللری بولونسه بیله، بالذات طرفینی حضورینه جلب واستماع ایده بیلیر. فی الحقیقه، وکیللر حادثه ماده حقنده کندیلرینه سوریله جق سؤالره جواب ویره مزلر. و بوجوابلرك دوشونیه ركونرلسی و حاکمک آله جنی جوابه نظراً یکی یکی سؤاللر ترتیب ایتسی لازم کلدیکندن موکلندن استیضاح ایچون دعوانک تعلیقی مطلوبی تأمین ایتز.

— یکی اصول محاکمه، حاکمی استجواب اولوناجق شخصک حقیقی بیان ایتسی ایچون وصایاده بولونمغه تشویق ایدیور. حاکم، خلاف حقیقت بیاناتک محتمل نتیجه لری حقنده استجواب اولوناجق شخصک نظر دقتی جلب ایده بیلیر.

وافعا بوحکم، معنوی برقیقتی حائزدر. فقط بوو صایانک استجواب اولوناجق طرفک افاداته ابی برتائیر یا بمسی ده جوق نمکندر.

استجواب یالکز مدطهک وقوع و یا عدم وقوعه دائر اولمایوب حاکمک قناعتی جلب ایده بیله جک ودعوا ایدیلان خصوص ایله مناسبتدار دیگر احوال و شرائط حقنده ده یابیلایبیلیر.

— حکمی شخصلرنامه نمثلاری استجواب اولونور. حکمی شخصک تمثیل صلاحیتی حائز اولمایان مأهولری استجواب اولوناماز.

— استجواب، خفی اولور. دیگر طرف وشاهد حاضر بولوندرلماز، فقط استجواب

اولوناجق شخص وکیلنی برابرنده بولوندىراييلير. حاکم، بوشخصك بياناتنی دیگر طرفك بيانی ایله متناقض بولورسه او وقت هر ایکسینی برلکده مواجهه و استجواب ایدهر .
— استجواب دعوانك هر حالده یاییلاييلير .

سکزنجی فصل

دلیلرک اقامه سی

برنجی قسم

عمومی حکمدر

— دلیلره تخصیص ایدیلن سکزنجی فصلك برنجی قسمی عمومی حکملره دائردر:
— دلیل دوغریدن دوغرییه دعوا ایدیلن برخصوصی ویا بونی اثبات ایدیهیله جك وقاطع تلقی اولونان بر قرینه یی اثبات ایچون اقامه اولونور . منازعه مك حله یارامیه جق اولان واقعه نك اثباتنه مساعده ایدیهلر مز . دیگر طرفدن دلیل، منازعه لی اولان برخصوصی اثبات ایچون اقامه اولونور .

بر طرفك اقرار ایلدیکی ویا خود معروف ومشهور اولان حادثه لرك اثباتی لازم کلز .
بر واقعه نك معروف ومشهور اولماسی، او واقعه نك علاقه دار اولان پك چوق کیمسه لر طرفندن مضبوط اولدینی حاکمجه معلوم اولماسیدر .

معروف ومشهور اولان حادثه لر، افکار عمومیه ده محقق الوقوع عد اولونور. آنجق مع التأسف معروف ظن اولونان پك چوق وقعه لر، یا معروف دکدر ویا یا کلیش اوله رق شیوع بولمشدر . اونك ایچون قانون آلمان قانوننده اولدینی کبی بونك خلافنی اثبات ایچون طرف متخاصمه صلاحیت ویرمشدر .

— برطرفك حقنی اثبات ایتك اوزره ابراز واقعه ایلدیکی دلیلی چوروتکم ایچون دیگر طرفك دلیل اقامه سی حق محفوظدر. بومتناقض ویا خود یالکیز بر طرفك ابراز ایلدیکی دلیل قارشوسنده حاکم، مجله ده اولدینی کبی بعض قواعد واحکامی تطبیقاً دلیلک

معتبر اولوب اولمادیغنی و یا خود هانکی طرفک دلیلی راجح اولدیغنی تعیین ایتمز . بلکه قناعت وجدایه سنه تابع اوله رق دوغریلغنه قانع اولدیغنی دلیل ایله حکم ایدره .
یالان اوزرینه اتقاقلری عقلاً ممکن اولمایان جم غفیرک (تواتر) اخباری ده حاکم قناعتی حصوله کتیر مزسه موجبجه حکم ایدیه من .

— طرفیندن هر ایکیسنک ابراز واقعه ایستدکلری دلیلارک کافه سنک عین جلسه محاکمه ده تدقیقی ضروریدره . مکرکه او جلسه ده بوتون شاهدلرک استماعی ایچون وقت مساعد اولماسون . احواله حاکم دلیلارک تدقیق اولوناجنی جلسه لری تعیین ایدره . بونلرک فاصله لی اولماسنه دقت ایدملیدر .

ایکنجی قسم

شهادت

— شهادت فصلی، نوشتاتل قانوننه مطابق اولمغله برابر نقصان کوریلن بعض احکام آلمان قانونندن آلمشدر .

آنجق سندله اثباتی مجبوری اولمایان احوال و وقایع، شهادتله اثبات اولونابیلیر . قاعده اوله رق، هر کسک شهادتی دیکله نیر و موجبجه حکم ایدیه بیلیر . بونک ایچون معین بر سن اولمادیغنی کبی شاهدک طرفیندن برینه قرابت و مناسبتی ، دعواده منفعت مالیه سی بولماسی ده مانع شهادت دکلدر .

شو قادارکه حاکم میز اولمایان یعنی شهادتسه دعوت ایدلدیکی وقایعی آکلامق قابلیتدن بالکلیه محروم بولونان چوجوقلری، عقلاً خسته اولانلری استماع ایتمز . دیکر طرفدن اون بش یاشنی اکمال ایتمه نلر و یا عقلاً ضعیف، جزا محکمه سی قراریه خدمات تامه دن محروم ایدلش اولانلر، دعوایی بر طرفک قزاعمنده منفعتی بولونانلر و یا طرفیندن بری جانبدنن اتفاق ایدیلنلر یمینسز استماع اولونور .

حاکم شهادتی تقدیر ایدره کن شاهدک دوغریلغنه اعتدای سلب ایدن بو بونک کبی دیکر برچوق سبیلری نظر دقته آلیر . طرفین ده دائماً بوسبیلری حاکمک نظر اطلاعنه وضع و اثبات ایدیه بیلیرلر و حاکم شاهده ی استجواب ایدره کن دوغریلغنه اعتدای سلب ایتمسی معتاد اولان سبیلردن بری شاهده ده اولوب اولمادیغنی کندیسنه صورار .

— شهادت، قاعده اولارق مجبوریدر . شهادتدن امتناع ایدنلر، ایلک دفعه سنده اون بش لیرایه قادار جزای تقدییه وایکنجی سنده محکمه جه اون بش کون حبسه محکوم ایدیلیر. آنجق ۲۴۵ نجی مادهده تعداد اولونان درجهده خیصم اولانلرایله اسرار صنعته واقف اولانلر بوسره دائر شهادتدن امتناع ایدنلر بیلیرلر . بونلر امتناع ایتیموب شهادت ایدنلر سه حقارنده افشای سر سبیلله جزا قانونی احکامی تطبیق اولونابیلیر . اسرار صنعت سبیلله شهادتدن امتناع حق، سر صاحبك رضائی حالنده ساقط اولور . وبوقتدرده شهادت حالنده افشای سر جرمی حاصل اولماز .

— شاهدلرك، طرفینك موافقتی و حاکمك تنبیی حالنده تحریراً ادای شهادت ایتیمی ده جائزدر .

— شاهدله دعواسنی اثبات ایدنك اولان طرف، دلیللارینی حاکمه بیان ایتدیکی ائنده، شاهدلرینك تام . لیسته سنی ده ویرمهك مجبوردر . بولیسته یه داخل اولان شاهدلرك كافه سی عین کون ایچون دعوت اولونور . بالاخره یکیدن لیسته ویرمك ایسترسه قبول اولونماز . حالبوکه اولجه بیان ایتدیکی یکی بدلیلی اولدیغنی بیان ایدنلر سه ۲۴۴ نجی ماده موجبجه بودلیل ده، حاکم طرفندن موافق کوریلیر سه تدقیق اولونابیلیر . بناءً علیه ۲۴۴ نجی ماده ۲۷۴ نجی ماده ایله مقیددر .

[مابعدی وار]

حقوق فاکولتسی مدرسلرندن

مصطفی رشید

سابق طابو مدیر عومیس

ع . صمد الرب

فانونه مدتی

اموال غیر منقولیه متعلق

قانونلر تماماً ملغامیدر ؟

طابو نظامنامه سنك —

برنجی ماده سی دفتردار و مال مدیرلری صاحب ارض حکمنده اولدیغنی محرر بولنش وعلی الاطلاق دفترخانه مأمورلری و طابو کاتبلری و هنوز طابو اصولی احداث اولنمایان